

# BULETIN PPBA

PUSAT PEMBELAJARAN BERTERUSAN DAN APEL



## DEFINISI PEMBELAJARAN SEPANJANG HAYAT (PSH)

"Satu proses pembelajaran yang menyeluruh dan berterusan, yang merangkumi semua bentuk aktiviti pembelajaran pada semua peringkat umur dan latar belakang sosio-ekonomi bagi memenuhi keperluan pembelajaran yang disampaikan dan dilaksanakan melalui pelbagai kaedah"

"Pembelajaran yang melibatkan individu yang mengikuti latihan pembelajaran berterusan dan program akademik kecuali pelajar program akademik perdana sepenuh masa yang melalui mod penyampaian konvensional di dalam kampus"



## TAKLIMAT PROGRAM PEMBELAJARAN SEPANJANG HAYAT (PSH) DAN APEL OLEH PUSAT PEMBELAJARAN BERTERUSAN DAN APEL

11



Lawatan Penanda Aras APEL Universiti Kebangsaan Malaysia (UKM) ke Pusat Pembelajaran Berterusan dan APEL (PPBA) UTHM

06



Taklimat APEL di Bangunan Sultan Ismail, Kota Iskandar

07



Pendaftaran Pelajar Baharu Program Profesional Penerbangan

12



# SIDANG REDAKSI

## PENAUNG

Prof. Madya Ts. Dr. Musli bin Mohammad

## PENASIHAT

Dr. Noor Zuraidin bin Mohd. Safar

## PENYELARAS KANDUNGAN

En. Mohd Azam bin Jainal  
Prof. Madya Ir. Dr. Saliza Azlina binti Osman  
Dr. Muhamad Hanif bin Jofri  
Ts. Ida Aryanie binti Bahrudin

## EDITOR

Pn. Norhazirah binti Kemin  
Pn. Siti Hajar binti Md. Hair (Khir)  
Pn. Nurul Ain bin Juhari  
Pn. Noraizah binti Wahab

## GRAFIK

Pn. Nurulhidayah binti Basari  
Cik Nur Amirah Sofi binti Abd Jalil

## FOTOGRAFI

En. Muhammad Rashid Amran bin Zainudin

## SIDANG REDAKSI

En. Mohamad Firdaus bin Zaini  
Pn. Elli binti Jamaluddin

# ISI KANDUNGAN

- 1** • Mesyuarat Pengambilan Pelajar Baharu Program Eksekutif Imam Profesional Ambilan Sesi 2023/2024
  - Mesyuarat Deraf MoA Antara UTHM dan UET
- 2** • Urusan Kad Matrik Pelajar
  - Perbincangan Bagi Pelaksanaan Latihan Pembelajaran Berterusan
- 3** • Sesi Temuduga Penilaian APEL.A Tahap 7
  - Mesyuarat Pengurusan Pusat Pembelajaran Berterusan dan APEL Bil.1/2023
- 4** • Ujian Aptitud Penilaian APEL.A
  - Sesi Taklimat Pembelajaran Berterusan dan APEL ke Pusat Pengajian Diploma (PPD), UTHM
- 5** • Mesyuarat Berkaitan Memorandum Perjanjian di Antara Universiti Tun Hussein Onn Malaysia dan UTHM Education and Training SDN. BHD.
  - Perbincangan Berkaitan Data Latihan dan Perundingan
- 6** • Lawatan Penanda Aras APEL Universiti Kebangsaan Malaysia (UKM) ke Pusat Pembelajaran Berterusan dan APEL (PPBA) UTHM
  - Pengakreditan Pembelajaran Berasaskan Pengalaman Terdahulu (Accreditation of Prior Experiential Learning APEL) bagi Tujuan Penganugerahan Kredit APEL.C
- 7** • Taklimat APEL di Bangunan Sultan Ismail, Kota Iskandar
  - Sesi Temuduga Penilaian APEL.A Tahap 7
- 8** • Sesi Taklimat Pembelajaran Berterusan dan APEL ke Fakulti Teknologi Kejuruteraan (FTK), Pagoh
  - Sesi Temuduga Penilaian APEL.A Tahap 7
- 9** • Perbincangan Program Latihan Pembelajaran Berterusan Bersama FTK
  - Perbincangan Program Kerjasama Bersama FPTP
- 10** • Taklimat Program Pembelajaran Sepanjang Hayat (PSH) dan APEL
  - Ujian Aptitud Penilaian APEL.A
- 11** • Mesyuarat Latihan Pembelajaran Berterusan UTHM Bersama Confexhub
  - Perbincangan Latihan Pembelajaran Berterusan (Kursus Kimpalan)
- 12** • Pendaftaran Pelajar Baharu Program Profesional Penerbangan

## MESYUARAT PENGAMBILAN PELAJAR BAHARU PROGRAM EKSEKUTIF IMAM PROFESIONAL AMBILAN SESI 2023/2024



**1 Januari 2023** - Mesyuarat pengambilan pelajar baharu program eksekutif imam profesional sesi 2023/2024 telah dilaksanakan pada 1 Januari 2023 (Ahad) jam 10:00 pagi bertempat di Bilik Perbincangan, Aras Bawah Blok B3 UTHM. Mesyuarat ini dihadiri oleh staf Pusat Pembelajaran Berterusan Dan APEL (PPBA) dan Institut Ahli Sunnah Wal Jamaah (ISWAJ). Mesyuarat ini bertujuan untuk membincangkan secara menyeluruh berkaitan cadangan pelaksanaan Program Eksekutif Imam Profesional kohort 5 ambilan sesi 2023/2024. Ini berikutan dari permintaan pihak Wakaf An-Nur Corporation (WAN-Corp) dan pihak Majlis Agama Islam Negeri Johor (MAINJ) yang berhasrat menaja pelajar untuk kemasukan ambilan akan datang. Antara agenda yang dibincangkan adalah mod pengajian, kaedah pembelajaran, yuran pengajian, lokasi pembelajaran dan lain-lain hal berkaitan pelaksanaannya. Oleh itu, satu kertas kerja kelulusan akan disediakan oleh pihak ISWAJ dan akan dibentangkan di mesyuarat jawatankuasa Pembelajaran Berterusan dan APEL (JKPBA) yang dijadualkan bersidang awal Februari 2023. Sesi pembentangan kepada pihak penaja juga akan dilaksanakan setelah mendapat kelulusan melaksanakan program.

## MESYUARAT DERAf MoA ANTARA UTHM DAN UET




**3 Januari 2023** - Perbincangan mengenai Deraf MoA antara Universiti Tun Hussein Onn Malaysia (UTHM) dan UTHM Education & Training Sdn. Bhd. (UET) telah dibincangkan pada 3 Januari 2023 bertempat di Bilik Seminar, Aras Bawah Blok B3 jam 2:30 petang. Pusat Pembelajaran Berterusan dan APEL (PPBA) berperanan menyelaras mesyuarat ini yang dihadiri oleh pihak-pihak yang terlibat yang mewakili PTj dari Pusat Pengajian Siswazah (PPS), Pusat Teknologi Maklumat (PTM) dan Pejabat Undang-Undang (PUU) dan UTHM Education & Training Sdn. Bhd. (UET). Perbincangan ini diatur bagi membincangkan isi kandungan Memorandum Perjanjian antara Universiti Tun Hussein Onn Malaysia dan UTHM Education and Training Sdn. Bhd. (UET). Menerusi hasil perbincangan tersebut, kertas cadangan MoA ini perlu dikemaskini untuk semakan akhir sebelum dibentangkan ke mesyuarat eksekutif. Sekiranya terdapat sebarang cadangan penambahbaikan mesyuarat memohon agar dapat dimajukan semula kepada PPBA sebelum atau pada 10 Januari 2023.

## URUSAN KAD MATRIK PELAJAR



**8 Januari 2023** - Seramai 19 orang pelajar program Preparatory English Course (PEC) bagi kemasukan sem 1 sesi 2022/2023 dan 10 orang pelajar program Diploma Kemahiran Pengurusan Mutawwif Umrah & Ziarah (PMUZ) bagiambilan Disember 2022 telah hadir membuat kad matrik masing-masing. Sesi pertemuan bagi urusan kad matrik ini telah berlangsung pada pukul 10:00 pagi, 8 Januari 2023 (Ahad) bertempat di Pejabat Pendaftar UTHM.

## PERBINCANGAN BAGI PELAKSANAAN LATIHAN PEMBELAJARAN BERTERUSAN



**10 Januari 2023** - Perbincangan pelaksanaan latihan pembelajaran berterusan menerusi kerjasama syarikat Dynamics telah diadakan secara dalam talian (Google Meet) pada 10 Januari 2023 (Selasa) pada pukul 9:00 pagi. Menerusi perbincangan hasrat tersebut kedua-dua pihak bersetuju untuk melaksanakan kerjasama dalam pelaksanaan kursus kimpalan. Objektif pelaksanaan kursus ini selain dapat memperkasakan lagi persijilan universiti, ianya juga bagi menampung kekurangan pekerja mahir yang berkemahiran tinggi dalam bidang kimpalan.

Kursus ini direka khas dari permintaan yang tinggi dari kalangan pekerja industri kimpalan. Justeru, pelaksanaan kursus ini akan dilaksanakan secara hands-on di mana ianya dilakukan secara praktikal di makmal yang bersesuaian dengan kaedah pengajaran dan pembelajaran (P&P). Sasaran kursus ini terbuka kepada peserta dari pelbagai lapisan samada pekerja sedia ada di sesebuah syarikat atau sesiapa yang berminat menceburkan diri dalam bidang kimpalan. Mesyuarat dimaklumkan terdapat beberapa kategori kertas cadangan untuk merealisasikan pelaksanaan hasrat kerjasama menerusi kursus kimpalan ini. Pihak syarikat akan menyediakan modul dan silibus yang bersesuaian mengikut keperluan pasaran masa kini.

## SESI TEMUDUGA PENILAIAN APEL.A TAHAP 7




**15 Januari 2023** - Sesi temuduga bagi calon APEL.A Tahap 7 ini dijalankan secara dalam talian pada 15 Januari 2023 (Ahad). Panel penilai yang menilai adalah dikalangan panel penilai APEL.A yang telah menjalani latihan dan dilantik berdasarkan bidang calon. Di antara panel PPBA yang terlibat adalah Pn. Ts. Ida Aryanie bt Bahrudin, Ketua Jabatan APEL.A.

## MESYUARAT PENGURUSAN PUSAT PEMBELAJARAN BERTERUSAN DAN APEL BIL.1/23

**25 Januari 2023** - YBhg. Prof. Madya Ts. Dr. Musli Bin Mohammad Pengarah Pusat Pembelajaran Berterusan dan APEL UTHM telah mempengerusikan mesyuarat PPBA bil. 1/2023 pada 25 Januari 2023 secara fizikal bertempat Bilik Seminar aras bawah B3. Mesyuarat ini dihadiri oleh warga kerja PPBA bermula pukul 9.00 pagi. Agenda utama mesyuarat ini adalah bertujuan untuk mengemaskini perancangan aktiviti-aktiviti PPBA UTHM. Selain membincangkan perkara berbangkit, mesyuarat ini juga menyalurkan informasi berkaitan laporan aktiviti penajaan pendapatan dan status perkembangan setiap jabatan/unit.



## UJIAN APTITUD PENILAIAN APELA



**29 Januari 2023** - Pusat Pembelajaran Berterusan dan APEL (PPBA) UTHM telah menjalankan sesi Ujian Aptitud kepada calon yang menjalani penilaian APEL dan ianya dihadiri oleh 4 orang calon pada 29 Januari 2023 (Ahad) jam 8.45 pagi -12.00 tengahari. Sesi ini diadakan secara dalam talian di platform Google Meet dan Sistem Author UTHM yang dikelolakan dan dipantau oleh Dr. Noor Zuraidin Mohd Safar, Pn. Ts. Ida Aryanie bt Bahrudin dan Pn. Siti Hajar Binti Md. Hair (Khir) selaku urusetia.

## SESI TAKLIMAT PEMBELAJARAN BERTERUSAN DAN APEL KE PUSAT PENGAJIAN DIPLOMA (PPD), UTHM

**30 Januari 2023** - Pusat Pembelajaran Berterusan dan APEL (PPBA) UTHM telah dijemput oleh pihak Pusat Pengajian Diploma (CeDS) UTHM untuk berkongsi informasi kepada staf kumpulan pengurusan dan akademik CeDS di dalam satu taklimat pembelajaran berterusan dan APEL. Sesi taklimat ini telah berlangsung selama 3 jam bermula 10:00 pagi pada 30 Januari 2023 (Isnin) bertempat di Bilik Mesyuarat 1, UTHM kampus Pagoh.

Delegasi PPBA yang diketuai oleh Timbalan Pengarah PPBA; Dr. Noor Zuraidin bin Mohd. Safar telah hadir memberikan ucapan alu-aluan. Ucapan tersebut merangkumi pengenalan struktur organisasi baharu PPBA, peranan UTHM sebagai pusat penilaian APEL, pelaksanaan APELA dan APEL.C di UTHM, latihan pembelajaran berterusan dan penyelarasan PPBA terhadap keperluan dari KPT dalam urusan pengumpulan data berkaitan program Pembelajaran Sepanjang Hayat (PSH) di UTHM. Turut hadir Ketua Jabatan APEL.C; Dr. Muhamad Hanif bin Jofri memberikan taklimat berkaitan APEL.C. Selain itu, hadir sama dalam sesi taklimat ini adalah Ketua Jabatan Pembelajaran Berterusan dan Kerjasama; Prof.

Madya Ir. Dr. Saliza Azlina binti Osman yang telah memberikan taklimat berkaitan latihan pembelajaran berterusan. Ianya merangkumi aspek garis panduan latihan pembelajaran berterusan, kaedah pelaksanaan, pensijilan serta anugerah-anugerah yang bakal diperolehi atas keterlibatan dan komitmen yang ditonjolkan oleh PTj dalam pelaksanaan program latihan pembelajaran berterusan.

Semoga taklimat ini menjadi medium pemudahcara buat CeDS dalam membantu PPBA menyalurkan informasi kepada pelajar yang berminat untuk menyambung pengajian ke peringkat yang lebih tinggi menggunakan laluan APEL. Besar harapan PPBA agar pihak CeDS dapat membantu menyebarkan informasi yang diperolehi kepada semua staf di fakulti berkaitan pelaksanaan APEL dan latihan pembelajaran berterusan termasuk sebarang pertanyaan berkaitan penyelarasan data program PSH di UTHM.



## MESYUARAT BERKAITAN MEMORANDUM PERJANJIAN DI ANTARA UNIVERSITI TUN HUSSEIN ONN MALAYSIA DAN UTHM EDUCATION AND TRAINING SDN. BHD.



**6 Februari 2023** - Mesyuarat berkaitan memorandum perjanjian di antara Universiti Tun Hussein Onn Malaysia (UTHM) dan UTHM Education and Training Sdn. Bhd. (UET) telah diadakan pada 6 Februari 2023 (Isnin) jam 2:30 petang bertempat di Dewan Jemaah, aras 5 Perpustakaan Tunku Tun Aminah. Mesyuarat yang diselaraskan oleh Pusat Pembelajaran Berterusan dan APEL (PPBA) ini telah dipengerusikan oleh Profesor Ts. Dr. Azme bin Khamis; Timbalan Naib Canselor (Akademik dan Antarabangsa) UTHM. Ahli mesyuarat ini terdiri dari kalangan staf/wakil dari Pejabat Bendahari, Pejabat Undang-Undang, Pusat Teknologi Maklumat, Pejabat Pengurusan Akademik serta Timbalan Dekan (Penyelidikan, Pembangunan & Penerbitan) dan Ketua Jabatan Siswazah dari FKAAB, FKEE, FKMP, FPTP, FPTV, FSKTM, FAST dan FTK. Mesyuarat ini bertujuan untuk membincangkan lebih lanjut berkaitan isi kandungan memorandum perjanjian di antara UTHM dan UTHM Education and Training Sdn. Bhd. (UET). Menerusi perbincangan tersebut, isi kandungan yang terdapat di dalam deraf memorandum perjanjian tersebut perlu dimurnikan semula sebelum ianya dibentangkan untuk kelulusan. Selain itu, mesyuarat ini turut membincangkan secara menyeluruh termasuk persoalan mengenai hal ehwal akademik melalui pelaksanaan program sarjana secara separuh masa yang dikendalikan oleh pihak UET mulai ambilan Mac 2023.

## PERBINCANGAN BERKAITAN DATA LATIHAN DAN PERUNDINGAN

**14 Februari 2023** - Mesyuarat berkaitan data latihan dan perundingan telah diadakan pada 14 Februari 2023 (Selasa) pada pukul 10:00 pagi bertempat di Bilik Mesyuarat 1, Pusat Pengajian Bahasa (CLS), aras atas blok B3. Mesyuarat ini dipengerusikan oleh Prof. Madya Ts. Dr. Musli bin Mohammad; Pengarah Pusat Pembelajaran Berterusan dan APEL (PPBA). Mesyuarat ini dihadiri oleh Prof. Madya Ts. Dr. Aida binti Mustapha; Pengarah Pusat Hubungan Industri dan Masyarakat (ICRC) dan Prof. Madya Dr. Nik Hisyamudin bin Muhd Nor; Pengarah Pejabat Perancangan Strategik Dan Pengurusan Risiko (PSPR). Turut hadir staf dari PPBA, PSPR dan staf mewakili Pusat Teknologi Maklumat (PTM) untuk membincangkan berkaitan penyelarasan data latihan dan perundingan. Ianya bertujuan memastikan penyelarasan data dalam setiap sistem sedia ada yang diguna pakai serta sistem-sistem yang ada hubung kaitnya dengan data program pembelajaran sepanjang hayat (PSH) UTHM ini tersusun dan sistematik.



## LAWATAN PENANDA ARAS APEL UNIVERSITI KEBANGSAAN MALAYSIA (UKM) KE PUSAT PEMBELAJARAN BERTERUSAN DAN APEL (PPBA) UTHM



**15 Februari 2023** - Pusat Pembelajaran Berterusan dan APEL (PPBA), UTHM berbesar hati menerima Lawatan Penanda Aras dari Universiti Kebangsaan Malaysia (UKM). Lawatan ini melibatkan kehadiran seramai 6 orang delegasi yang diketuai oleh Prof Madya Dr Zariyantey Abd Hamid Timbalan Pengarah Dasar Akademik & APEL, UKM. Delegasi telah disambut mesra oleh Prof. Madya Ts. Dr. Musli Pengarah PPBA diringi Dr. Noor Zuraidin Timbalan Pengarah PPBA. Turut bersama Ts. Ida Aryanie Ketua Jabatan APEL.A dan Prof. Madya Ir. Dr. Saliza Azlina Ketua Jabatan Pembelajaran Berterusan dan Kerjasama. Sepanjang sesi lawatan ini banyak perkongsian pengalaman dan pengetahuan demi pengurusan APEL yang lebih baik pada masa akan datang. Semoga lawatan penanda aras UKM ke UTHM ini mencapai matlamat dan hubungan baik ini dapat diteruskan pada masa akan datang.

## PENGAKREDITAN PEMBELAJARAN BERASASKAN PENGALAMAN TERDAHULU (ACCREDITATION OF PRIOR EXPERIENTIAL LEARNING APEL) BAGI TUJUAN PENGANUGERAHAN KREDIT APEL.C

**15 Februari 2023** - Setinggi-tinggi tahniah kepada Universiti Tun Hussein Onn Malaysia yang telah diluluskan untuk melaksanakan Pengakreditan Pembelajaran berasaskan Pengalaman Terdahulu (Accreditation of Prior Experiential Learning APEL) bagi tujuan Penganugerahan Kredit APEL.C bagi tempoh 5 tahun (13 Januari 2023 – 12 Januari 2028).

**Tahniah**

**UNIVERSITI TUN HUSSEIN ONN MALAYSIA**

telah diluluskan untuk melaksanakan

Pengakreditan Pembelajaran Berasaskan Pengalaman Terdahulu  
(Accreditation of Prior Experiential Learning, APEL)  
bagi tujuan Penganugerahan Kredit

**APEL.C**

bagi tempoh

13 Januari 2023 sehingga 12 Januari 2028

Ikhtis Daripada:  
Seluruh Warga Kerja  
Pusat Pembelajaran Berterusan dan APEL

Global Technopreneur University 2030 | PPBA | ppbauhtm

**MQA**  
Agensi Kelayakan Malaysia  
Malaysia Qualification Agency

NO SIRI: 8052  
NO RUJUKAN: APEL.C0061-R

**AKREDITASI APEL**

AGENSI KELAYAKAN MALAYSIA DENGAN NI MEMPERAKUKAN BAHAWA

**UNIVERSITI TUN HUSSEIN ONN  
MALAYSIA (UTHM)**

TELAH DILULUSKAN UNTUK MELAKSANAKAN

Pengakreditan Pembelajaran Berasaskan Pengalaman Terdahulu  
(Accreditation of Prior Experiential Learning, APEL)  
bagi Tujuan Penganugerahan Kredit  
**[APEL.C]**

TEMPOH AKREDITASI  
13 JANUARI 2023 – 12 JANUARI 2028

PROF. DATO' DR. MOHAMMAD SHATAR BIN SABRAN (DIMP, DPMP)  
KETUA PEGAWAI EKSEKUTIF  
AGENSI KELAYAKAN MALAYSIA

## TAKLIMAT APEL DI BANGUNAN SULTAN ISMAIL, KOTA ISKANDAR

**16 Februari 2023** - Dr. Noor Zuraidin bin Mohd. Safar, Timbalan Pengarah Pusat Pembelajaran Berterusan dan APEL (PPBA) telah menyampaikan satu taklimat berkaitan APEL sempena Konvoi 30 Tahun UTHM Prihatin. Taklimat ini dihadiri oleh staf yang bekerja di pejabat-pejabat kerajaan negeri Johor yang berminat untuk melanjutkan pengajian di UTHM dengan menggunakan laluan kemasukan sijil APEL. Terima kasih buat YB Cik Norlizah Noh, Pengerusi Jawatankuasa Pendidikan, Penerangan dan Komunikasi Negeri Johor turut hadir meluangkan masa menyambut ketibaan peserta konvoi di Dewan Negeri Johor.



## SESI TEMUDUGA PENILAIAN APEL.A TAHAP 7



**19 Februari 2023** - Sesi temuduga bagi calon APEL.A Tahap 7 ini dijalankan secara dalam talian pada 19 Februari 2023 (Ahad). Panel penilai yang menilai adalah dikalangan panel penilai APEL.A yang telah menjalani latihan dan dilantik berdasarkan bidang calon. Di antara panel PPBA yang terlibat adalah Pn. Ts. Ida Aryanie bt Bahrudin, Ketua Jabatan APEL.A.

## SESI TAKLIMAT PEMBELAJARAN BERTERUSAN DAN APEL KE FAKULTI TEKNOLOGI KEJURUTERAAN (FTK), PAGOH





**20 Februari 2023** - Sesi taklimat pembelajaran berterusan dan APEL telah berlangsung pada 20 Februari 2023 (Isnin) bertempat di Bilik Mesyuarat 1, UTHM kampus Pagoh. Pusat Pembelajaran Berterusan dan APEL (PPBA) UTHM telah hadir menyantuni jemputan dari pihak Fakulti Teknologi Kejuruteraan (FTK) UTHM untuk berkongsi informasi berkaitan program pembelajaran berterusan dan APEL. Timbalan Dekan (Akademik & Antarabangsa) FTK; Dr. Abd Fathul Hakim bin Zulkifli telah mewakili fakulti menyampaikan ucapan aluan dan berterima kasih kepada delegasi PPBA atas kesudian hadir ke sesi taklimat ini untuk berkongsi informasi berkaitan program pembelajaran berterusan dan APEL. Sesi taklimat ini turut dihadiri oleh staf dari kalangan kumpulan pengurusan dan akademik FTK. Timbalan Pengarah PPBA; Dr. Noor Zuraidin bin Mohd. Safar di dalam ucapannya memaklumkan bahawa UTHM telah dipilih sebagai pusat penilaian APEL dan diperaku oleh MQA bagi pelaksanaan APEL.A dan APEL.C untuk tempoh lima (5) tahun. Malah, beliau turut menegaskan bahawa PPBA berperanan penting dalam menyelaras dan mengumpul data program Pembelajaran Sepanjang Hayat (PSH) dari PTj UTHM demi memenuhi keperluan pihak KPT berkaitan pelaporan pelaksanaan program PSH. PPBA UTHM menerusi Ketua Jabatan APEL.A; Ts. Ida Aryanie binti Bahrudin telah menyampaikan taklimat berkaitan APEL.A manakala Ketua Jabatan APEL.C; Dr. Muhamad Hanif bin Jofri memberikan taklimat berkaitan APEL.C. Ketua Jabatan Pembelajaran Berterusan dan Kerjasama; Prof. Madya Ir. Dr. Saliza Azlina binti Osman pula telah memberikan taklimat berkaitan latihan pembelajaran berterusan. Ianya merangkumi garis panduan, kaedah pelaksanaan, penyelarasan dan pengumpulan data PSH dan juga pensijilan program di bawah latihan pembelajaran berterusan. PPBA mengalu-alukan kerjasama FTK dalam usaha merealisasikan pelaksanaan PSH dan APEL di UTHM.

## SESI TEMUDUGA PENILAIAN APEL.A TAHAP 7



**20 Februari 2023** - Sesi temuduga bagi calon APEL.A Tahap 7 ini dijalankan secara dalam talian pada 20 Februari 2023 (Isnin). Panel penilai yang menilai adalah dikalangan panel penilai APEL.A yang telah menjalani latihan dan dilantik berdasarkan bidang calon. Di antara panel PPBA yang terlibat adalah Pn. Ts. Ida Aryanie bt Bahrudin, Ketua Jabatan APEL.A.

## PERBINCANGAN PROGRAM LATIHAN PEMBELAJARAN BERTERUSAN BERSAMA FTK



**22 Februari 2023** - Ekoran dari sesi taklimat program pembelajaran berterusan dan APEL yang telah dijayakan pada 20 Februari 2023 (Isnin), pihak Fakulti Teknologi Kejuruteraan (FTK) menjemput pihak Pusat Pembelajaran Berterusan dan APEL (PPBA) khususnya Jabatan Pembelajaran Berterusan dan Kerjasama (JPBK) dalam sesi perbincangan program latihan pembelajaran berterusan pada 22 Februari 2023 (Rabu) pada 10:00 pagi secara dalam talian (Google Meet). Pihak FTK telah dihadiri oleh Timbalan Dekan (Akademik & Antarabangsa) FTK; Dr. Abd Fathul Hakim bin Zulkifli dan ketua-ketua jabatan di bawah pengurusan FTK yang berminat dan staf-staf berpotensi menjayakan kursus/program. Di dalam sesi perbincangan tersebut, JPBK yang diketuai oleh Ketua Jabatan Pembelajaran Berterusan dan Kerjasama; Prof. Madya Ir. Dr. Saliza Azlina binti Osman telah menyalurkan informasi yang diperlukan oleh pihak FTK. Ianya merangkumi perincian berkaitan proses pelaksanaan latihan pembelajaran berterusan dan pensijilan terutamanya dari segi garis panduan, kaedah pelaksanaan, aspek kewangan, dan dokumentasi data.

## PERBINCANGAN PROGRAM KERJASAMA BERSAMA FPTP

**22 Februari 2023** - Perbincangan program kerjasama telah dilaksanakan antara pihak Fakulti Pengurusan Teknologi dan Perniagaan (FPTP) dan Pusat Pembelajaran Berterusan dan APEL (PPBA) pada 22 Februari 2023 (Rabu) 2:30 petang secara dalam talian (Google Meet). Di dalam sesi perbincangan awal tersebut, pihak FPTP menyatakan hasrat untuk membincangkan potensi kebolehpasaran penawaran program kerjasama (francais) dilakukan oleh UTHM. Perbincangan ini ekoran permintaan prospek dari pihak kolej swasta yang berminat melaksanakan francais untuk penawaran program-program akademik UTHM. PPBA menerusi JPBK yang diketuai oleh Ketua Jabatan Pembelajaran Berterusan dan Kerjasama; Prof.

Madya Ir. Dr. Saliza Azlina binti Osman memaklumkan bahawa PPBA tiada halangan untuk merealisasikan hasrat tersebut dengan sokongan dan kerjasama dari pihak FPTP. KJ JPBK turut berkongsi informasi dan menyalurkan maklumat berkaitan pengalaman terdahulu dalam mengendalikan program francais ini kepada pihak FPTP. Hasil dari perbincangan awal ini, kedua-dua pihak bersetuju untuk membincangkan lebih lanjut berkenaan hasrat tersebut. Satu perbincangan dalaman UTHM perlu diadakan sebelum FPTP dan PPBA mengadakan sesi lawatan atau mesyuarat pembentangan program kerjasama ke kolej tersebut. Input yang bakal diketengahkan dalam perbincangan dalaman perlulah merangkumi peranan kedua-dua pihak, proses pelaksanaan, tenaga pengajar, fasiliti dan pensijilan. Aspek lain yang juga perlu diambil perhatian selain peratus keuntungan adalah pemantauan program, laporan kemajuan, peperiksaan, pengijazahan pelajar dan dokumentasi data. Inisiatif UTHM dalam sesi lawatan penanda aras ke universiti awam lain yang ada pengalaman dalam penawaran program francais juga penting dalam usaha mendapatkan informasi secara menyeluruh selain kedua-dua pihak dapat bertukar-tukar pandangan.



## TAKLIMAT PROGRAM PEMBELAJARAN SEPANJANG HAYAT (PSH) DAN APEL


**26 Februari 2023** - Telah berlangsung di Dewan Jemaah, Aras 5, Perpustakaan Tunku Tun Aminah (PTTA), UTHM. Taklimat pertama telah disampaikan oleh Pengarah PPBA; Prof. Madya Ts. Dr. Musli bin Mohammad dengan memberi pendedahan bagi memperkasakan PSH dalam usaha mentransformasikan rakyat Malaysia dengan usaha mempersiapkan modal insan yang berpengetahuan dan berkemahiran tinggi. Beliau turut menegaskan bahawa PPBA berperanan penting dalam menyelaras dan mengumpul data program Pembelajaran Sepanjang Hayat (PSH) dari PTj UTHM demi memenuhi keperluan pihak KPT berkaitan pelaporan pelaksanaan program PSH. Dalam sesi taklimati ni juga menerangkan dari aspek garis panduan latihan pembelajaran berterusan, kaedah pelaksanaan, pensijilan serta anugerah-anugerah yang bakal diperolehi atas keterlibatan dan komitmen yang ditunjukkan oleh PTj dalam pelaksanaan program latihan dan pembelajaran berterusan. Taklimat telah diteruskan oleh Ketua Jabatan APEL.A; Ts. Ida Aryanie binti Baharudin dengan memaklumkan bahawa UTHM telah dipilih sebagai pusat penilaian APEL dan diperakui oleh MQA bagi pelaksanaan APEL.A dan APEL.C untuk tempoh lima (5) tahun. Seterusnya beliau telah memberi penerangan lebih lanjut berkaitan pelaksanaan APEL.A dan APEL.C. Sesi taklimat ini turut dihadiri oleh staf dari kalangan kumpulan pengurusan dan akademik serta bersiaran secara langsung melalui platform Youtube UTHM TV bagi seluruh warga UTHM.



## UJIAN APTITUD PENILAIAN APEL.A



**26 Februari 2023** - Pusat Pembelajaran Berterusan dan APEL (PPBA) UTHM telah menjalankan sesi ujian Aptitud kepada calon yang menjalani penilaian APEL dan ianya dihadiri oleh 4 Orang calon pada 29 Januari 2023 (Ahad) jam 8.05 pagi - 12 tengahari. Sesi ini diadakan secara dalam talian di platform Google Meet dan Sistem Author UTHM yang dikelolakan dan dipantau oleh Dr. Noor Zuraidin Mohd Safar, Pn. Ts. Ida Aryanie bt Bahrudin dan Pn. Siti Hajar Binti Md. Hair (Khir) selaku urusetia.





## MESYUARAT LATIHAN PEMBELAJARAN BERTERUSAN UTHM BERSAMA CONFEXHUB



**6 Mac 2023** - Mesyuarat latihan pembelajaran berterusan UTHM bersama Confexhub telah diadakan pada 6 Mac 2023 (Isnin) pada pukul 11:00 pagi bertempat di Bilik Mesyuarat 1, Pusat Pengajian Bahasa (CLS), aras atas blok B3. Mesyuarat ini dihadiri oleh Ketua Pegawai Operasi Confexhub iaitu Encik Paul Yeo dan Pengarah Program; Puan Hooi Sook Mei. Hadir sama ke mesyuarat ini Prof. Madya Ts. Dr. Aida binti Mustapha; Pengarah Pusat Hubungan Industri dan Masyarakat (ICRC) untuk turut membincangkan hasrat kerjasama industri dalam pelaksanaan kursus pembelajaran berterusan UTHM. Pertemuan awal ini membincangkan hasrat kerjasama dalam pelaksanaan kursus Micro-Credentials menerusi program anjuran Confexhub International Centre for Professional Development (CICPD). Hasil pembentangan program tersebut mesyuarat bersetuju untuk memperhalusi hasrat kerjasama tersebut dengan melanjutkan perbincangan menjurus ke arah modul utama untuk disuaipadankan dengan silibus program sedia ada di UTHM yang boleh dilaksanakan samada melalui pemindahan kredit (APEL.C) atau dilaksanakan secara Micro-Credentials.

## PERBINCANGAN LATIHAN PEMBELAJARAN BERTERUSAN (KURSUS KIMPALAN)

**6 Mac 2023** - Satu perbincangan pelaksanaan latihan pembelajaran berterusan menerusi kerjasama syarikat Dynamics telah diadakan secara dalam talian (Teams Meeting) pada 6 Mac 2023 (Isnin) pada pukul 2:30 petang. Perbincangan ini merupakan lanjutan dari perbincangan pelaksanaan latihan pembelajaran berterusan (Kursus Kimpalan - QAQC) yang telah diadakan sebelum ini pada 10 Januari 2023 (Selasa) pada pukul 9:00 pagi secara dalam talian (Google Meet). Menerusi pertemuan kali ini, perbincangan hasrat kedua-dua pihak adalah menjurus kepada perbincangan mengenai kos pelaksanaan bagi tiga (3) kategori cadangan kursus Kimpalan - QAQC iaitu Sijil Kehadiran, Sijil Eksekutif dan Sijil Kompetensi. Cadangan pengiraan yuran kursus pula perlu mengambil kira beberapa aspek penting termasuklah kit kursus, pensijilan, modul, sewaan ruang di industri, perjalanan/penginapan pengajar di asrama/hotel berdekatan, penilaian (sekiranya ada) dan pemantauan kualiti. Yuran yang dicadangkan pula tidak terlalu mahal iaitu setara atau kurang dari harga pasaran. Dua (2) orang pensyarah dari UTHM akan dilibatkan dalam pelaksanaan kursus ini agar kualiti program menepati piawaian. Mesyuarat dimaklumkan pihak syarikat akan menyediakan silibus bagi setiap kategori kertas cadangan tersebut. Pihak UTHM pula akan menyemak silibus yang dihasilkan dan kedua-dua pihak bersetuju menandatangani NDA agar pelaksanaan hasrat kerjasama menerusi kursus kimpalan-QAQC ini dapat segera direalisasikan.



## PENDAFTARAN PELAJAR BAHARU PROGRAM PROFESIONAL PENERBANGAN



**9 Mac 2023** - Pendaftaran pelajar baharu bagi Program Profesional Penerbangan UTHM kohort 9/2023 telah berlangsung pada 9 Mac 2023 (Khamis) bertempat di Asia Aeronautical Training Academy (AATA), Senai Johor. Seramai 5 orang pelajar baharu telah mendaftar bagi ambilan kali ini. Program Profesional Penerbangan ini merupakan program di bawah Fakulti Kejuruteraan Mekanikal dan Pembuatan (FKMP). Pelaksanaan program dikendalikan oleh Asia Aeronautical Training Academy (AATA) dan diselaraskan oleh Pusat Pembelajaran Berterusan dan APEL (PPBA).

# PROGRAM EKSEKUTIF 2022

**PERMOHONAN  
SECARA  
DALAM TALIAN**

**Untuk Maklumat Lanjut :**

 **010-835 7853**

 **ppba.uthm.edu.my**

 **ppba@uthm.edu.my**

**Pusat Pembelajaran Berterusan dan APEL  
Universiti Tun Hussein Onn Malaysia  
86400, Parit Raja, Batu Pahat,  
Johor Darul Ta'zim**

## Program Eksekutif <sup>TM</sup> IMAM PROFESIONAL

Program Eksekutif Imam Profesional memberi peluang kepada masyarakat untuk meningkatkan ilmu pengetahuan, kemahiran dan kepakaran bagi tugas seorang imam, pengurusan masjid dan komuniti melalui proses pembelajaran sepanjang hayat secara sistematik dan juga sebagai imam yg unggul dalam membimbing masyarakat.

\*Tidak diakredit oleh MQA

**1 TAHUN**

**Kelas hujung minggu  
(Sabtu & Ahad)**

Memiliki SPM/  
Darjah Khas/  
sijil-sijil agama  
yang diiktiraf

Mempunyai  
pengalaman bekerja  
dalam bidang  
berkaitan

Berumur  
21 tahun  
ke atas

Lulus sesi  
temubual

**Modular 1** |  
Penghayatan Tauhidik

**Modular 3** |  
Pengurusan Masjid dan Komuniti

**Modular 2** |  
Ilmu Wahyu

**Modular 4** |  
Projek Diploma

**RM 5,500**

\* Sijil Kemahiran Agama (SKA) akan diberikan kepada pelajar yang memenuhi syarat

### Keterangan lanjut:

Pusat Pembelajaran Berterusan dan APEL (PPBA)  
07-4537017/7954/010-9797853 | ppba@uthm.edu.my  
Institut Ahli Sunnah Wal Jamaah (iSWAJ)  
07-4533450 | sunnah@uthm.edu.my

**PPBA**  
PUSAT PEMBELAJARAN  
BERTERUSAN DAN APEL  
Universiti Tun Hussein Onn Malaysia

**iSWAJ UTHM**  
INSTITUT AHLI SUNNAH WAL JAMA'AH  
UTHM

Dikitaraf oleh:  
Jabatan Agama Islam  
Negeri Johor &  
Majlis Agama Islam  
Negeri Johor

## EXECUTIVE PROGRAMME IN PROFESSIONAL PILOTING

\* Not accredited by MQA

(with Frozen Airline Transport Pilot Licence by Civil Aviation Authority Malaysia)

  
**MODE OF STUDY**  
Course Work

  
**MODE OF DELIVERY**  
Full Time

  
**DURATION OF STUDY**  
18 months

### OBJECTIVES

This programme produces students with aviation knowledge as a professional pilot or flight caption and committed to self learning while continually develop professionalism.

### BENEFITS

This programme able to improve student's professionalism for getting a better job in the future and also as an added value in terms of aviation knowledge through the process of centralized learning and problem solving.

### ADMISSION REQUIREMENTS

At least grade C in English, mathematics and one in any Science subjects

AND

At least two(2) subjects with grade C in any other SPM Subjects or equivalent

AND

Age at least 18 years old and above during application

AND

Experience in the related field

Have a health certificate (Class I) from a Health Center recognized by the Malaysian Civil Aviation Authority

AND

Has a height of at least 158 cm

AND

Has physical fit, perfect vision and visual acuity at least 6/60 without optical assistance, can be adjusted to 6/6 and not color blind

AND

Candidates are not disabled members (blind/deaf /paralyzed /mute) which makes practical work difficult

**For any enquiries**

**ATA**

**AATA OFFICE**  
No 17-01, Jalan Terminal 1,  
81400 Senai, Johor.

**APPLY NOW**

<https://bit.ly/DEPPUTHM>



Tel: 07-595 5012 E-mail: sales@ata.edu.my

 [www.ata.edu.my](http://www.ata.edu.my)

 Asiaaeronauticaltrainingacademy

 asiaaeronautical

 AATA - Asia Aeronautical Training Academy

# PEMBELAJARAN SEPANJANG HAYAT (PSH)


## APA ITU PSH?

Pembelajaran yang melibatkan individu yang berusia antara 15 tahun 64 tahun **kecuali** pelajar program perdana sepenuh masa.

Kata Kunci bagi cadangan penambahbaikan Definisi Umum dan Operasi PSH di Malaysia:

1	Pembelajaran
2	Menyeluruh
3	Berterusan
4	Fleksibel (pelbagai kaedah)
5	Terangkum

## PEMBELAJARAN SEPANJANG HAYAT



## PROGRAM PSH AKADEMIK

- Program Akademik Pembelajaran Berterusan: Program akademik perdana sedia ada yang mendapat kelulusan Senat untuk dilaksanakan di Pusat Pembelajaran Wilayah (PPW) dengan mengenakan kadar yuran yang berbeza dengan program akademik perdana.
- Program Kerjasama Akademik UTHM dan IPTS (Francais).
- Fakulti/Pusat/Institut Akademik dibenarkan untuk menjana pendapatan melalui penawaran program akademik yang mendapat kelulusan Senat di peringkat diploma, ijazah sarjana muda, ijazah sarjana dan ijazah kedoktoran menggunakan kaedah/mod penyampaian yang bersesuaian.
- Semua program perlu dilaksanakan melalui Pusat Pendidikan Berterusan atau Institusi yang dilantik oleh Universiti.

## PROGRAM PSH LATIHAN

- Program yang dilaksanakan bagi tempoh beberapa jam, beberapa hari atau beberapa bulan.
- Boleh dianjurkan secara berstruktur atau tidak berstruktur dengan pemberian sijil atau tiada sijil pada akhir sesi program tersebut.
- Kursus boleh dianjurkan secara percuma atau berbayar.
- Pusat Tanggungjawab (PTJ) di UTHM dibenarkan untuk menganjurkan kursus bersifat latihan akademik, kompetensi, kepakaran profesional atau pembelajaran sepanjang hayat bersesuaian dengan bidang PTJ.
- Program boleh sama ada dianjurkan sama ada oleh PTJ atau melalui Pusat Pendidikan Berterusan atau anak syarikat Universiti.

### PSH AKADEMIK

PROGRAM	TAHAP MQF (KREDIT MINIMUM)	KAEDAH PELAKSANAAN
Ph.D (Penyelidikan)	8	<ul style="list-style-type: none"> <li>• Program akademik UTHM secara Pembelajaran Berterusan</li> <li>• Program Kerjasama UTHM dengan IPTS (Francais)</li> <li>• APEL A, APEL C dan/atau APEL Q</li> </ul>
Ijazah Kedoktoran (Kerja Kursus & Mod Campuran)	8 (80)	
Sarjana (Penyelidikan)	7	
Sarjana (Kerja Kursus & Mod Campuran)	7 (40)	
Diploma Pascasiswazah	7 (30)	
Sijil Pascasiswazah	7 (20)	
Sarjana Muda	6 (120)	
Sijil Siswazah	6 (36)	
Diploma	4 (90)	

### PSH LATIHAN (JANGKA PANJANG | JANGKA PENDEK) > 6 bulan | < 6 bulan

- Micro-credential
- Program Profesional
- Program Kompetensi / Kemahiran (contoh: program Jabatan Pembangunan Kemahiran JPK)
- *Certified Program/Lesen* (Contoh: Certified Construction Site Supervisor/Lesen Jurutera - Frozen ATPL)
- Program Eksekutif
- Kursus / Bengkel / Seminar
- *Continuing Professional Development (CPD) points/hours*
- Program Kerjasama UTHM dengan Institusi Rakan Kerjasama
- Verifikasi Program yang dijalankan Penyedia Latihan bagi menggunakan Logo UTHM

# KEMASUKAN MELALUI APEL.A

- Anda ingin menyambung pengajian?
- Anda mempunyai pengalaman?
- Anda mempunyai kelayakan?

## PUSAT PENILAIAN APEL UTHM

Menawarkan peluang menyambung pengajian ke peringkat Sarjana Muda dan Sarjana melalui Pengiktirafan Pengalaman Terdahulu (Kerja, Latihan, Hobi) menggunakan APEL.A



## INFO APEL MQA



# APEL

ACCREDITATION OF PRIOR EXPERIENTIAL LEARNING

PENGAKREDITAN PEMBELAJARAN BERASASKAN PENGALAMAN TERDAHULU

### AKSES KE IPT (MULAI 2011)

Bagi membolehkan individu sambung belajar di IPT setelah lulus penilaian APEL.A

### APEL.A

#### SIAPA YANG LAYAK MOHON APEL.A ?

- ▶ Warganegara Malaysia.
- ▶ Umur minimum :
  - SIIIL - 19 tahun
  - DIPLOMA - 20 tahun
  - SARJANA MUDA - 21 tahun
  - SARJANA - 30 tahun

▶ **KELAYAKAN FORMAL ?**  
Hanya penilaian untuk ke program Sarjana perlu ada STPM/Diploma/Setara.

▶ Memiliki pengalaman kerja yang berkaitan.

#### SIAPA YANG KENDALIKAN APEL.A ?

- ▶ Tahap Sijil (APEL T-3) dan Diploma (APEL T-4) : MQA.
- ▶ Tahap Sarjana muda (APEL T-6) dan Sarjana (APEL T-7) : Pusat Penilaian APEL (PPA).
- ▶ 6 PPA yang dilantik : WOU, OUM, UUM, UTM, UTHM dan UITM.

#### KAEDAH PENILAIAN APEL.A

- ▶ Ujian Aptitud
- ▶ 4 aspek diuji (Bahasa Melayu, Bahasa Inggeris, Matematik dan Pengetahuan Am/Pemikiran Kritis).
- ▶ Portfolio :
  - Kompilasi pengalaman pembelajaran formal, non-formal dan in-formal.
  - Format ditetapkan.
- ▶ Temu duga dengan 2 orang panel penemu duga - (Calon APEL T-7 sahaja)

#### BAHAN RUJUKAN APEL.A

- ▶ Guidelines to Good Practices APEL
- ▶ Handbook for Learners
- ▶ Handbook for Learners: Admission to Masters Level

### PINDAH KREDIT (MULAI 2016)

Bagi menilai ilmu yang terkumpul menerusi pengalaman pembelajaran dan mendapat pengecualian kursus/mata pelajaran.

### APEL.C

#### APEL.C UNTUK SIAPA ?

- ▶ Pelajar IPT yang mempunyai pengalaman pembelajaran terdahulu yang telah berdaftar dan sedang mengikuti pengajian.
- ▶ Warganegara Malaysia dan bukan warganegara.

#### SIAPA KENDALIKAN PENILAIAN APEL.C ?

- ▶ IPT yang diluluskan oleh MQA.
- ▶ IPT perlu mohon untuk laksanakan APEL.C.
- ▶ Sehingga Mac 2021, 32 IPT telah mendapat kelulusan untuk mengendalikan APEL.C.

#### BAGAIMANA BENTUK PENILAIAN APEL.C ?

- ▶ Bergantung kepada kursus yang ingin dimohon pindah kredit.
- ▶ Kaedah penilaian yang boleh diguna pakai adalah challenge test atau portfolio.
- ▶ Prinsip penilaian APEL.C adalah memadamkan kompetensi pelajar dengan Course Learning Outcome (CLO).

#### BERAPA HAD MAKSIMUM PINDAH KREDIT ?

30% daripada jumlah jam kredit bergraduat.

### PENGANUGERAHAN KELAYAKAN

Bagi menilai ilmu yang diperoleh daripada pengalaman pembelajaran terdahulu untuk dianugerahkan kelayakan akademik tanpa perlu mengikuti keseluruhan program pengajian di IPT.

### APEL.Q

#### APEL.Q UNTUK SIAPA ?

- ▶ Pelajar IPT (warganegara dan bukan warganegara)
- ▶ Memenuhi tempoh minimum iaitu pengalaman kerja calon.

#### SIAPA YANG KENDALIKAN APEL.Q ?

- ▶ IPT yang mempunyai kelulusan mengendalikan APEL.C.
- ▶ Perlu mendapat kelulusan MQA.

#### KAEDAH PENILAIAN APEL.Q

- ▶ Melalui proses penilaian portfolio, lawatan lapangan dan pengesahan serta ujian cabaran (challenge test).
- ▶ Pelajar APEL.Q juga wajib mengikuti dan lulus kursus 'capstone'.



# Setinggi-tinggi PENGHARGAAN DAN TERIMA KASIH

kepada semua  
**Fakulti dan Pusat Tanggungjawab  
Universiti Tun Hussein Onn Malaysia**  
di atas sumbangan bagi menjayakan pelaksanaan  
**Program  
Pembelajaran Sepanjang Hayat (PSH)**

## PENCAPAIAN SKTU (JANUARI - MAC 2023)

**BILANGAN PELAJAR  
PROGRAM PSH:**

**2,185**

**BERBAYAR: 1,211**

**PERCUMA: 974**

**BILANGAN PELAJAR  
PSH LATIHAN:**

**1,667**

**BERBAYAR: 693**

**PERCUMA: 974**





**Pusat Pembelajaran Berterusan dan APEL  
Universiti Tun Hussein Onn Malaysia  
86400, Parit Raja, Batu Pahat,  
Johor Darul Ta'zim**